

LUKMAN HAKIM AG.

POTTRA-POTTRE MADURA

Kaula pottra-pottre Madura

Kalaban nyebbut attas nyamajagat, asompa

Ta' soddi naleka pagar toros agante besse

Tabun rata epaddek geddhung-geddhung

Gir sereng etembuk, beddhina eangko' ka kottha

Kaula pottra-pottre Madura

Kalaban anaong asma'epon gustu

Ta' rida' naleka badha nyongsangnga basa

Dhari rama, ebu, tor guru kodu nyongkem

Dha' na'poto, maske akalong masteka

Banne keng polana penjung se edina salondhing

Mano' ngortok ngette' beddhing

Kaula merteya barisannepon bangaseppo

Peguna, kalanggengngan sadaja na'poto

Labbuwan, 2 Februari 2008

ARACH DJAMALY

NETEBA

Mon aba' epasthe kellar mederri alam,
Ka temor ngamba'a are moncar
Ka bara' mapaga are ngerrem
Aba' ta' loppa'a dha' junan towan, dhu guru
Se ampon noduwi enggunna
Are moncar ban are ngerrem

Mon aba' epasthe kellar ngatammagi Quran,
Ka attas ngamba'a sorat Patteha
Ka baba mapaga sorat Qulhu
Aba' ta' loppa'a dha' junan towan, dhu guru
Se ampon noduwagi enggunna
Sorat Patteha ban sorat Qulhu

Dhu nagara, Dhu sagara, Dhu bindara,
Neteba guru kaula.

1991

Puisi untuk Tingkat SD

M. HELMY PRASETYA

KAMPONG ROKON

Dâri kampong laèn bulâ amola'ana carèta
Amargha bânnya' sè ta' èkaonèng tan-tarètan
Manabi sadhâjâ padâ terro along-polong

Kampong laèn ko'issa
Bâdâ rêng lakè' sè mangkadâ alajar
Apessennan jaga'aghi sabâ bân tanèyan
Sopaja satarètanan atong ta' atokaran

Rèng binè' jughân ta' enda' kala
Dhuliyân aberka' ka dâpor
Ala-ola jhuko' accèn èbhungkos nasè' jhaghung
Paès pèndhâng bân bujâ cabbhi sè èdhulit ka lèpèr
Ca'na para' bâdâ'ât amoy sè dâteng
Tako' matodus kalowargâ

Du nyaman ongghu rassana
Mon kabbi la siyap è attas mèjâ
Adântè' nape pole? Maju' kakan areng-bhâreng
Sopaja sadhâjâ rokon along-polong

Bangkalan, 2006